

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, br. 49/06 i 51/09), čl. 10. i 68. Statuta Općine Centar Sarajevo-prečišćen tekst („Službene novine Kantona Sarajevo“, broj 23/04), člana 6. i 87. Poslovnika Općinskog vijeća Centar Sarajevo-prečišćen tekst („Službene novine Kantona Sarajevo“, br. 23/04, 11/13, 13/17, 24/19, 31/19, 29/20, 2/24 i 11/24) Općinsko vijeće Centar Sarajevo, na 9.redovnoj sjednici koja je održana 31.07.2025. godine, donijelo je

ODLUKA O VIJEĆNIČKOJ LEGITIMACIJI

Član 1.

1) Ovom odlukom utvrđuje se oblik, sadržaj i način izdavanja vijećničke legitimacije, vijećnika u Općinskom vijeću Centar Sarajevo (u daljem tekstu: legitimacija) koja se izdaje: predsjedavajućem Općinskog vijeća, zamjenicima predsjedavajućeg Općinskog vijeća i općinskim vijećnicima, u toku trajanja njihovog mandata.

2) Izrazi u ovoj Odluci koji su napisani samo u jednom gramatičkom rodu odnose se podjednako na muški i ženski rod. Pri izradi vijećničkih legitimacija u označavanju zanimanja, funkcija, zvanja i titula osobe upotrebljavaće se odgovarajući gramatički rod.

Član 2.

Legitimacija sadrži podatke o identitetu općinskog vijećnika koji je dužan da istu pokaže kada se želi koristiti pravima koja mu u vršenju njegove dužnosti pripadaju na osnovu ustava, zakona i drugih propisa.

Član 3.

Legitimacija se izdaje na obrascu, koji je sastavni dio ove odluke.
Legitimacija je pravougaonog oblika, dimenzija 80x60 mm.

Član 4.

Na prednjoj strani legitimacije u desnom gornjem uglu nalazi se natpis: Bosna i Hercegovina, Federacija Bosne i Hercegovine, Kanton Sarajevo, Grad Sarajevo, OPĆINA CENTAR SARAJEVO.

Na prednjoj strani legitimacije u gornjem lijevom uglu je prostor za fotografiju općinskog vijećnika kojem se izdaje legitimacija. Preko fotografije stavlja se pečat Općinskog vijeća Centar Sarajevo.

Na sredini prednje strane legitimacije nalazi se natpis „LEGITIMACIJA“, a u redu ispod toga upisuje se „Predsjedavajući Općinskog vijeća“, ili „Zamjenik predsjedavajućeg Općinskog vijeća“, ili „Općinski vijećnik“, zavisno od toga kome se izdaje legitimacija. Ispod natpisa iz prethodnog stava upisuje se ime i prezime općinskog vijećnika kojem se izdaje legitimacija.

Na zadnjoj strani legitimacije nalazi se tekst:

„Ovom legitimacijom se dokazuje da je njen imalac općinski vijećnik u Općinskom vijeću Centar Sarajevo, sa pravima koja mu u vršenju njegove dužnosti pripadaju na osnovu ustava, zakona i drugih propisa.“

Ispod teksta iz prethodnog stava stavlja se pečat Općinskog vijeća Centar Sarajevo, pored kojeg se nalazi mjesto za potpis predsjedavajućeg Općinskog vijeća, a ispod pečata Općinskog vijeća upisuje se mjesto i datum izdavanja legitimacije.

Član 5.

Općinskom vijećniku u Općinskom vijeću Centar Sarajevo se izdaje legitimacija nakon održavanja konstituirajuće sjednice Općinskog vijeća i davanja svečane izjave.

Član 6.

U slučaju gubitka vijećničke legitimacije vijećniku će se izdati nova legitimacija, nakon što se izgubljena legitimacija proglasi nevažećom u „Službenim novinama Kantona Sarajevo“.

Član 7.

Općinski vijećnik u Općinskom vijeću Centar Sarajevo dužan je vratiti vijećničku legitimaciju odmah po prestanku mandata u Općinskom vijeću.

Član 8.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“ i web stranici Općine Centar Sarajevo.

Broj:01-04-104/25
Sarajevo,31.07.2025. godine

**Zamjenica Predsjedavajućeg
Općinskog vijeća**

Sara Arslanagić



Odluka je objavljena na Oglasnoj ploči dana

05-08-2025

OBRAZAC VIJEĆNIČKE LEGITIMACIJE

PREDNJA STRANA LEGITIMACIJE

ZADNJA STRANA LEGITIMACIJE

Bosna i Hercegovina Federacija Bosne i Hercegovine Kanton Sarajevo Grad Sarajevo OPĆINA CENTAR SARAJEVO S L I K A M.P. LEGITIMACIJA Predsjedavajući Općinskog vijeća <u>IME I PREZIME</u>	Ovom legitimacijom se dokazuje da je njen imalac općinski vijećnik u Općinskom vijeću Centar Sarajevo u mandatu _____, sa pravima koja mu u vršenju njegove dužnosti pripadaju na osnovu ustava, zakona i drugih propisa. M.P. Predsjedavajući Općinskog vijeća SARAJEVO, _____ (datum izdavanja)
---	--

PREDNJA STRANA LEGITIMACIJE

ZADNJA STRANA LEGITIMACIJE

Bosna i Hercegovina Federacija Bosne i Hercegovine Kanton Sarajevo Grad Sarajevo OPĆINA CENTAR SARAJEVO S L I K A M.P. LEGITIMACIJA Zamjenik predsjedavajućeg Općinskog vijeća <u>IME I PREZIME</u>	Ovom legitimacijom se dokazuje da je njen imalac općinski vijećnik u Općinskom vijeću Centar Sarajevo u mandatu _____, sa pravima koja mu u vršenju njegove dužnosti pripadaju na osnovu ustava, zakona i drugih propisa. M.P. Predsjedavajući Općinskog vijeća SARAJEVO, _____ (datum izdavanja)
---	--

PREDNJA STRANA LEGITIMACIJE

ZADNJA STRANA LEGITIMACIJE

Bosna i Hercegovina Federacija Bosne i Hercegovine Kanton Sarajevo Grad Sarajevo OPĆINA CENTAR SARAJEVO S L I K A M.P. LEGITIMACIJA Općinski vijećnik <u>IME I PREZIME</u>	Ovom legitimacijom se dokazuje da je njen imalac općinski vijećnik u Općinskom vijeću Centar Sarajevo u mandatu _____, sa pravima koja mu u vršenju njegove dužnosti pripadaju na osnovu ustava, zakona i drugih propisa. M.P. Predsjedavajući Općinskog vijeća SARAJEVO, _____ (datum izdavanja)
--	--